

Casnan riba ruta di Carnaval por keda bloquea cu trailer

Entrada pa casnan tambe lo worde reparti pa pone trailer

Asunto di trailer ta haya mas aspecto di problema

ORANJESTAD(AAN)--

Generalmente no tabata tin problema cu estacionamento di trailer dilanti casnan den Vondellaan y na otro sitionan, cu ta keda ariba ruta di Carnaval. Pero e aña aki cu un cobranza exorbitante a keda introduci, mas y mas problema ta presenta.

Segun informe cu DIARIO a ricibi, den midimento di tereno,

cu Gobierno lo bay huur na esnan cu kier pone trailer, lo por sconde mas problema. Ta asina cu aparentemente nan a cuminsa midi e terenonan y habitantenan di e casnan, cu ta keda ariba ruta di Carnaval a bin ripara cu e midimento aki no ta tene cuenta cu cierto aspectonan.

Asina un habitante a bin ripara, cu hendenan di Gobierno

a bay midi tambe e pida dilanti su cas, cu ta duna pasashi pa su garage y cura. Awor e ta puntra su mes, si ta bay duna e pida tereno aki pa trailer tambe. Si esey socede, kier meen cu durante henter e temporada cu tin trailer estaciona, e no por estaciona su auto den su cura ni dilanti di su cas, mientras cu su cas ta keda completamente blo-

quea pa trailer.

E ciudadano aki a bisa cu otronan tambe ta teme, cu nan ta bay keda cu un cas bloquea. Nan a considera masha grosero, cu a bay dicidi di reparti e tereno dilanti casnan sin siquiera papia cu e habitantenan pa mira con nan ta worde afecta.

Generalmente no sa tin problema pasobra e habitan-

tenan di casnan, cu ta keda ariba

e ruta, ta reserva espacio pa nan por estaciona nan autonan y drenta nan cura di cas. Cu e

situacion manera e ta, por bay spera problema si Gobierno dicidi di reparti tambe e entrada pa curanan di cas ariba ruta di Carnaval.